

अ॒जो वा एक॑पादकामयत । ते॒ज॒स्वी ब्र॑ह्मवर्च॒सी
स्या॒मिति॑ । स ए॒तम॒जायै॑कपदे प्रो॒ष्ठप॒देभ्य॑श्च॒रुं निर॑व॒-
पत् । ततो॒ वै स ते॒ज॒स्वी ब्र॑ह्मवर्च॒स्य॑भवत् । ते॒ज॒स्वी ह॒ वै
ब्र॑ह्मवर्च॒सी भ॑वति । य ए॒तेन॑ ह॒विषा॒ यज॑ते । यउ॑चैन॒-
दे॒वं वेद॑ । सोऽ॒च जु॑होति । अ॒जायै॑कपदे स्वाहा प्रो॒ष्ठ-
प॒देभ्यः॒ स्वाहा॑ । तेज॑से स्वाहा ब्रह्मवर्चसाय स्वाहेति॑
॥ १० ॥

अहि॒र्वै बु॒ध्निर्योऽका॑मयत । इ॒मां प्र॑ति॒ष्ठां वि॒न्देये॑ति ।
स ए॒तम॒हये॑ बु॒ध्निर्या॑य प्रो॒ष्ठप॒देभ्यः॒ पुरो॑डा॒शं भूमि॑क॒-
पा॒लं निर॑वपत् । ततो॒ वै स इ॒मां प्र॑ति॒ष्ठाम॑विन्दत ।
इ॒मां ह॒ वै प्र॑ति॒ष्ठां वि॒न्दते॑ । य ए॒तेन॑ ह॒विषा॒ यज॑ते ।
यउ॑चैन॒दे॒वं वेद॑ । सोऽ॒च जु॑होति । अ॒हये॑ बु॒ध्निर्या॑य
स्वाहा प्रो॒ष्ठप॒देभ्यः॒ स्वाहा॑ । प्र॒ति॒ष्ठायै॒ स्वाहे॑ति॑
॥ ११ ॥

पू॒षा वा अ॒का॑मयत । प॒शुमा॑न्त्स्यामिति॑ । स ए॒तं
पू॒ष्णे रे॒वत्यै॑ च॒रुं निर॑वपत् । ततो॒ वै स प॑शुमा॒न॑भवत् ।
प॒शुमा॑न् ह॒ वै भ॑वति । य ए॒तेन॑ ह॒विषा॒ यज॑ते । यउ॑चै॒-
न॒दे॒वं वेद॑ । सोऽ॒च जु॑होति । पू॒ष्णे स्वाहा॑ रे॒वत्यै॒ स्वाहा॑ ।
प॒शुभ्यः॒ स्वाहे॑ति॑ ॥ १२ ॥